



Concello de Meaño

D^a. M^a TERESA ESCUDERO BARRAL, secretaria-interventora do Ilmo. Concello de Meaño (Pontevedra).

CERTIFICO:

Que a Xunta de Goberno Local, en sesión extraordinaria de data 15 de outubro de 2021, e segundo resulta do borrador da acta desta sesión e coa salvedade que establece o artigo 206 do R.D. 2568/1896, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, entre outros, adoptou o seguinte acordo:

“6º.- APROBACIÓN, SI PROCEDE, DO CONVENIO DE COLABORACIÓN ENTRE O CONCELLO DE MEAÑO E A ASOCIACIÓN PARA DISCAPACITADOS PSIQUICOS E FÍSICOS ESPERANZA SALNÉS. (EXP. 693/2021).

Considerando que no Orzamento Municipal 2021, aprobado definitivamente polo Pleno da Corporación, en sesión de data 16 de xuño de 2021, se establece como subvención nominativa, por existir razóns de interese público e social e dadas as peculiaridades da actividade:

APLICACIÓN	BENEFICIARIO	OBXECTO E FINALIDADE	IMPORTE
231.48000	Asoc. para Discapacitados ESPERANZA SALNÉS CIF G36282184	Programas de intervención terapéutica	700,00

Considerando que, segundo determina o artigo 47.2 da Lei 40/2015, do 1 de outubro, do Réxime Xurídico do Sector Público “*Los convenios que suscriban las Administraciones Públicas, los organismos públicos y las entidades de derecho público vinculados o dependientes y las Universidades públicas, deberán corresponder a alguno de los siguientes tipos:*

...

c) *Convenios firmados entre una Administración Pública u organismo o entidad de derecho público y un sujeto de Derecho privado.*”

Considerando que, segundo establece o artigo 48.3 da Lei 40/2015, do 1 de outubro, do Réxime Xurídico do Sector Público “*La suscripción de convenios deberá mejorar la eficiencia de la gestión pública, facilitar la utilización conjunta de medios y servicios públicos, contribuir a la realización de actividades de utilidad pública y cumplir con la legislación de estabilidad presupuestaria y sostenibilidad financiera.*” A tal efecto o artigo 50.1 esixe como trámite preceptivo para a subscripción de convenios que, “*Sin perjuicio de las especialidades que la legislación autonómica pueda prever, será necesario que el convenio se acompañe de una memoria justificativa donde se analice su necesidad y oportunidad, su impacto económico, el carácter no contractual de la actividad en cuestión, así como el cumplimiento de lo previsto en esta Ley.*”

Considerando que, o artigo 22 da Lei 38/2003, Xeral de subvencións no punto 2 establece que poderán concederse de forma directa as subvencións previstas nominativamente no Presuposto nos termos recollidos nos convenios e na normativa reguladora destas subvencións e con carácter excepcional, aquelas outras subvencións en que se acrediten





Concello de Meaño

razóns de interese público, social, económico ou humanitario, u outras debidamente xustificadas que dificulten a súa convocatoria pública; entendéndose por subvención prevista nominativamente no presuposto aquela en que ao menos a súa dotación presupostaria e beneficiario aparezan determinados nos estados de gasto. O obxecto destas subvencións deberá quedar determinado expresamente no correspondente convenio de colaboración que, en todo caso, deberá ser congruente coa clasificación funcional e económica do correspondente crédito presupuestario.

Entre as competencias propias municipais figura a de “Avaliación e información de situacións de necesidade social e a atención inmediata a persoas en situación ou risco de exclusión social”, de acordo co previsto no artigo 25.2.e) da Lei 7/1985, do 2 de abril, Reguladora das bases do Réxime Local así como “A prestación dos servizos sociais e a promoción e reinserción sociais” segundo o artigo 80.2 k) e “A participación na xestión da atención primaria da saúde” segundo o artigo 80.i) da Lei 5/1997, de 22 de xullo, de Administración Local de Galicia.

Considerando que, o convenio, se configura así como o mecanismo para materializar as competencias municipais de fomento na práctica deportiva e promoción cultural que poden beneficiar ás/aos veciñas/os de Meaño, a súa elaboración deberá axustarse ao establecido nos artigos 47 a 53 da Lei 40/2015, do 1 de outubro, do Réxime Xurídico do Sector Público; regulándose no artigo 9 da Lei Xeral de subvencións os requisitos que deben cumprir o outorgamento de subvención.

Incorporado ao expediente:

- Memoria xustificativa
- Informe xurídico
- Proxecto de convenio, concretando as súas cláusulas
- Informe de fiscalización

A vista do que antecede e incorporada ao expediente a documentación que preceptúa a lexislación vixente, a Xunta de Goberno Local, en votación ordinaria, por unanimidade dos seus membros, acorda:

1º.- Aprobar o “CONVENIO DE COLABORACION ENTRE O CONCELLO DE MEAÑO (NIF P3602700A) E A ASOCIACIÓN PARA DISCAPACITADOS ESPERANZA SALNES (CIF G36282184) PARA FINANCIACIÓN DE PROGRAMAS DE INTERVENCION TERAPEUTICA. EJERCIZO 2021

En Meaño, REUNIDOS:

Dunha parte, D. Carlos Viéitez Fernández, con DNI nº 35309723P, actuando en nome e representación do Concello de Meaño, na súa calidade de Alcalde, en virtude das facultades representativas que lle atribúe a Lei 7/1985 de 2 de abril, Reguladora das Bases do Réxime Local e a Lei 5/1997, do 22 de xullo, de Administración Local de Galicia.

Doutra parte, Dª Mª Isabel Baliñas Rodiño, con DNI nº 76870652Y na súa calidade de Presidente/a da Asociación para Discapacitados Psíquicos y Físicos Esperanza Salnés (o cal acredita mediante certificación da Secretaría da Asociación).

Asiste como fedataria pública Dª Mª Teresa Escudero Barral, secretaria-interventora do Concello de Meaño.





Concello de Meaño

Actúan ambos coa representación que legal e regulamentariamente teñen concedida, recoñecéndose reciprocamente os asinantes do presente documento plena capacidade para á firma do presente CONVENIO e para o efecto

EXPOÑEN:

PRIMEIRO.- Que o Concello de Meaño ten como unha das súas competencias a de “Avaliación e información de situacións de necesidade social e a atención inmediata a persoas en situación ou risco de exclusión social”, de acordo co previsto no artigo 25.2.e) da Lei 7/1985, do 2 de abril, Reguladora das bases do Réxime Local e “A prestación dos servizos sociais e a promoción e reinserción sociais” segundo o artigo 80.2 k) da Lei 5/1997, de 22 de xullo, de Administración Local de Galicia.

A Constitución Española de 1978 establece, no seu artigo 49, que os poderes públicos realizarán unha política de previsión, tratamento, rehabilitación e integración dos diminuídos físicos, sensoriais e psíquicos aos que prestarán a atención especializada que requiran e ampararanos, especialmente, para o goce dos dereitos que o Título I da mesma outorga a todos os cidadáns.

A Asociación Esperanza Salnés desenvolve actividades de Atención Terapéutica de persoas con discapacidade física ou intelectual con diversas patoloxías, para o que a Asociación leva a cabo distintas actividades a fin de proporcionar unha atención terapéutica especializada e individualizada nas distintas áreas de actuación ás persoas con calquera tipo de minusvalía co fin de axudar a mellorar a súa calidade de vida e á súa integración plena.

Ditas actividades permiten o acceso a veciños de Meaño a tratamentos aos que, doutro xeito, no poderían acceder, ben por distancia física ou ben por cuestións económicas.

SEGUNDO.- O presente convenio ten por obxecto contribuír á financiación dos gastos correntes dos programas de intervención terapéutica realizados con usuarios do Concello de Meaño de entre os servizos ofertados pola Asociación de cara a lograr unha mellora da calidade de vida das persoas discapacitadas mediante o seu tratamento e busca da súa plena integración.

A tal efecto, na Base XII de execución do Orzamento municipal do ano 2021, establécese a seguinte subvención nominativa:

APLICACIÓN	BENEFICIARIO	FINALIDADE	IMPORTE MÁXIMO
231.48000	Asoc Discapacitados Psíquicos y Físicos Esperanza Salnés G36282184	Programas de interv terapéutica	700 €

TERCEIRO.- Que a Asociación para Discapacitados Psíquicos y Físicos Esperanza Salnés ten como fin principal:

* A promoción e realización de actividades que sexan contributivas de atender as necesidades e mellorar a calidade de vida de nenos e xovenes de entre 2 e 18 anos que padezan algunha Discapacidade Física, Intelectual, Sensorial, Parálise Cerebral ou patoloxías afíns, incidindo especialmente no eido asistencial e favorecendo a súa integración familiar, social e laboral.

CUARTO.-

A) Que a Asociación para Discapacitados Psíquicos y Físicos Esperanza Salnés figura inscrita no Rexistro Provincial de Asociacións de Pontevedra co número 1997- 4077-1.

B) Que aporta neste acto:

- Certificación da Secretaría da entidade de non estar incurso en causas de incompatibilidade ou incapacidade para contratar e percibir subvencións ou axudas da Administración Pública





Concello de Meaño

- Certificacións expedidas Axencia Tributaria estatal e autonómica, Tesourería Xeral da Seguridade Social e Deputación Provincial de atoparse ao corrente nas súas obrigas tributarias coa facenda estatal, autonómica de local e coa Seguridade Social.

- Póliza de seguro de responsabilidade civil vixente e ao corrente do seu pago.

Polo anterior, ámbalas dúas partes asinantes acordan outorga-lo presente convenio de colaboración en base ás seguintes

CLAUSULAS:

PRIMEIRA.- O obxecto do presente Convenio é regular a colaboración entre o Concello de Meaño e a Asociación para Discapacitados Psíquicos y Físicos Esperanza Salnés, mediante unha subvención directa, co obxecto contribuír á financiación dos gastos correntes dos tratamentos de usuarios do Concello de Meaño dos servizos ofertados pola Asociación de cara a lograr unha mellora da súa calidade de vida mediante o seu tratamento e busca da súa plena integración; contribuíndo o Concello de Meaño ao financiamento dos gastos correntes dos PROGRAMAS DE INTERVENCION TERAPEUTICA que a Asociación para Discapacitados Psíquicos y Físicos Esperanza Salnés preste aos usuarios do Concello de Meaño.

SEGUNDA.- A Asociación para Discapacitados Psíquicos y Físicos Esperanza Salnés, comprométese a:


- 1) Realizar as actividades subvencionadas segundo as normas de funcionamento da propia Asociación e as directrices que sinale o Concello.
- 2) Admitir nas actividades a que se refire a subvención ás/ós veciñas/os de Meaño.
- 3) Someterse as actuacións de comprobación que respecto a xestión dos fondos outorgados poda facer o Concello, así como calquera outras de comprobación e control financeiro que podan realizar os órganos de control competentes, tanto nacionais como comunitarios, aportando canta información sexa requirida no exercicio de súas actuacións.
- 4) No desenvolvemento destas actividades farase a debida publicidade onde figure a subvención das mesmas por parte do Concello de Meaño de forma clara e inequívoca.
- 5) O desenvolvemento, pola asociación, das actividades subvencionadas, non implicará relación laboral ou de natureza similar entre as persoas que vaian desenvolver os programas de intervención terapéutica e o Concello de Meaño, de tal xeito que ao Concello de Meaño non se lle pode esixir ningunha responsabilidade, nin directa, nin indirecta, nin subsidiaria polos actos ou feitos acaecidos no desenvolvemento dos programas de intervención terapéutica.

TERCEIRA.- O Concello de Meaño comprométese a colaborar no mantemento e promoción de actividades d os programas de intervención terapéutica cunha subvención máxima de 700,00 € no ano 2021, con cargo á partida 231.48000 do Orzamento municipal 2021.

A presente subvención é compatible coa percepción doutras subvencións, axudas ou ingresos para a mesma finalidade, procedentes de calquera das administracións e entes públicos ou privados ou persoas físicas, pero en ningún caso o conxunto das axudas e achegas recibidas poderá superar o 100% do custo da actividade ou proxecto subvencionado.

O libramento da axuda, previa xustificación da realización total ou parcial da actividade subvencionada e do gasto realizado, poderá ser efectuado parcialmente con carácter trimestral ou semestral ou na súa totalidade con carácter anual, podendo ascender o total da axuda ó 100% do gasto subvencionable.

Para percibir a subvención as entidades deberán presentar a seguinte documentación, **obrigatoriamente** por medios electrónicos na sede electrónica do Concello de Meaño, co enderezo **concellodemearno.sedelectronica.gal**, a través da instancia xenérica dispoñible e a que se achegará a seguinte





Concello de Meaño

documentación:

- * Memoria xeral da actividade, asinada electronicamente pola presidencia.
 - * Declaración da Presidencia da Asociación das actividades realizadas no período a xustificar, asinada electronicamente.
 - * Facturas, indicando o número de unidades, os prezos unitarios e o custo total de cada unha, relacionadas coa actividade subvencionada. De tratarse de gastos de traballadores e ou profesionais presentaranse nóminas, facturas ou liquidacións debidamente asinada polo beneficiario en a que se reflexen os datos persoais, concepto e o importe íntegro da prestación, o importe da retención correspondente ao IRPF e o importe líquido a percibir polo interesado. Para recibir o seguinte trimestre será necesario presentar o ingreso efectuado a Axencia Tributaria do retido no trimestre anterior (Mod. 111).
- Estes documentos probatorios estarán conformadas, mediante sinatura electrónica, polo/a Presidente/a da asociación, con indicación do DNI
- * Certificación de estar ó corrente no cumprimento das obrigas tributarias (Facenda do Estado, Facenda da Comunidade Autónoma e fronte á Seguridade Social).
 - * Declaración-certificación asinada electronicamente polo Presidente/a, Secretario/a e Tesoureiro/a da Asociación, segundo Anexo I que se achega.
 - * Conta xustificativa do gasto, segundo Anexo II que se achega, asinado electronicamente.
 - * Certificación bancaria na que conste a titularidade da conta bancaria da asociación.
 - * Acreditación de ter realizado o pago dos gastos xustificadas; cando o importe supere o 500,00 € só se admitirá como xustificante de pago a transferencia bancaria.
 - * Acreditación de contar co seguro de responsabilidade civil e ao corrente do seu pago (No caso de non xustificalo para a anualidade completa no intre de formalizar o convenio).
 - * Xustificación da publicidade onde figure a subvención das mesmas por parte do Concello de Meaño con escudo do Concello e texto Concello de Meaño (Notas de prensa, material de divulgación, papelería, lonas publicitarias, páxina web e redes sociais de asociación, etc.)

Si a documentación presentada non reúne os requisitos esixidos requirirase á persoa interesada, de conformidade co establecido no artigo 68 da Lei 39/2015, de 1 de outubro, do Procedemento Administrativo Común das Administracións Públicas, para que nun prazo de 10 días hábiles emende as faltas ou presente os documentos preceptivos, indicándolle que, en caso de non facelo, se terá por desistida a súa solicitude, que se arquivará previa resolución dictada nos termos do artigo 21 da citada norma.

Á vista da documentación xustificativa presentada, a Xunta de Goberno Local estimará o cumprimento das actividades subvencionadas, e procederá , no seu caso ó recoñecemento e pago da mesma.

O aboamento da subvención ou axuda farase efectivo por medio de ingreso na conta bancaria da entidade financeira sinalada pola entidade beneficiaria na documentación achegada.

O prazo de xustificación rematará o día 20 de decembro do ano en curso, salvo que a actividade afecte ao último trimestre, en cuxo caso poderá ser xustificada antes do 31 de xaneiro do ano seguinte. De non xustificarse antes de ditas datas perderase o dereito a esixila; sen prexuízo do sinalado na letra D da Base XII das Bases de Execución do Orzamento.

CUARTA.- A Asociación para Discapitados Psíquicos y Físicos Esperanza Salnés queda sometida á responsabilidade e ao réxime sancionador establecido no artigo 40 do Texto Refundido da Lei reguladora das Facendas Locais así como no Título IV da Lei 38/2003, de 17 de novembro, Xeral de Subvencións.





Concello de Meaño

QUINTA.- Para o cumprimento do presente convenio créase unha Comisión Mixta de Seguimento, formada pola concelleira de Servizos Sociais e **Igualdade** e o presidente da Asociación para Discapacitados Psíquicos y Físicos Esperanza Salnés.

Dita Comisión será a encargada do seguimento, interpretación e control do convenio, así como, de ser o caso, arbitrar os mecanismos de solución de controversias e de denuncia do convenio por algunha das partes.

SEXTA.- O Concello de Meaño resérvase o dereito a orientar técnicamente as actividades, a comprobar os datos económicos así como a supervisar a efectiva realización delas, e a entender e dar a coñecer publicamente as actividades subvencionadas.

O Concello de Meaño poderá revogar as axudas previstas neste convenio nos seguintes casos:

- Obtención da subvención falseando as condicións requeridas para elo ou ocultando aquelas que o impidiran.
- Incumprimento total ou parcial do obxectivo da actividade a subvencionar.
- Incumprimento das obrigas de adoptar as medidas de difusión.
- Resistencia, escusa ou obstrucción ou negativa ás actuacións de comprobación e control.
- Non asinar o convenio no prazo sinalado polo Concello.

O incumprimento de calquera das cláusulas do Convenio constituirá causa suficiente de rescisión deste.

SÉTIMA.- A vixencia do presente Convenio será dende o día da súa sinatura ata o 31 de decembro de 2021, estendendo os seus efectos ao exercicio 2021.

OITAVA.- O presente convenio ten natureza administrativa e elaborase no marco Lei 40/2015, do 1 de outubro, de Réxime Xurídico do Sector Público, da Lei 38/2003, do 17 de novembro, Xeral de Subvencións, do R.D. 887/2006, de 21 de xullo polo que se aproba o Regulamento da Lei Xeral de Subvencións, na Lei 9/2007, do 13 de xuño de subvencións de Galicia e Decreto 11/2009, do 8 de xaneiro; rexéndose polo disposto nas cláusulas do mesmo e, no seu defecto, pola lexislación sinalada. Será competente para entender nos litixios que puideran xurdir a Xurisdición Contencioso-Administrativa.

NOVENA.- De conformidade coa Lei 38/2003, do 17 de novembro, o convenio de colaboración e a información sobre a subvención articulada no mesmo serán comunicados á Base de datos nacional de subvencións do Ministerio de Hacienda.

O presente Convenio obriga ó cumprimento do expresamente pactado, someténdose ámbalas dúas partes ó acordado en tódalas estipulacións.

En proba de conformidade asinan o presente Convenio, que se estende por duplicado, no lugar e data anteriormente indicada.”

2º.- Facultar ó Sr. alcalde para a súa sinatura.

3º.- Dar traslado do mesmo á ASOCIACIÓN PARA DISCAPACITADOS PSÍQUICOS E FÍSICOS ESPERANZA SALNÉS para a súa sinatura.”

E para que así conste e para os efectos de unir ao expediente, expido e asino o presente, de orde e co visto e praxe do Sr. alcalde D. Carlos Vieitez Fernández, en Meaño.

Documento asinado e datado dixitalmente ao marxe

